



西南夷列傳 太史公

鍾惺曰文字忽整忽散而又整妙之

凌約言曰此以上不百四十字而西南諸夷其方隅風俗大小

西南夷君長以什數夜郎最大其西靡莫之屬以什

數滇最大自滇以北君長以什數印都最大此皆雕

結耕田有邑聚其外西自同師以東北至檉榆在益

名為雋昆明崔浩云雋昆明二國名韋昭云益州縣皆編髮隨畜遷徙

毋常處毋君長地方可數千里自雋以東北君長以

什數徙徙都最大自徙以東北君長以什數冉駹最

大其俗或土箸或移徙徐廣云徙在漢嘉徙在越雋在在蜀之西自

具見。敘事
明整詳盡
可法

鍾惺曰可
見邊民與
外夷私市
貨物利之

冉駹以東北。君長以什數。白馬最大。皆氐類也。此皆
巴蜀西南外蠻夷也。始楚威王時。使將軍驕將兵循
江上。畧巴蜀黔中。以西莊驕者。故楚莊王苗裔也。驕
至滇池。地方三百里。旁平地肥饒數千里。以兵威定
屬楚。欲歸報。會秦擊奪楚巴黔中。郡道塞不通。因還。
以其衆王滇。變服從其俗。以長之。秦時常額畧通五
尺道。諸此國頗置吏焉。十餘歲。秦滅。及漢興。皆棄此
國。而開蜀故徼。巴蜀民或竊出商賈。取其筰馬。犍僮

所在後古
不能禁但
貴處之有
道耳

茅坤曰唐
蒙亦奇士

髦牛野屬以此已蜀殷富建元六年大行王恢擊東

越東越殺王郢以報恢因兵威使番陽令唐蒙風指

曉南越南越食蒙蜀枸醬蒙問所從來曰道西北牂

牁牁江廣數里出番禺城下蒙歸至長安問蜀賈

人賈人曰獨蜀出枸醬多持竊出市夜郎夜郎者臨

牁牁江之廣百餘步足以行船南越以財物役屬夜

郎西至同師然亦不能臣使也蒙乃上書說上曰南

越王黃屋左纛地東西萬餘里名為外臣實一州主

也。今以長沙豫章往水道多絕難行竊聞夜郎所有

精兵可得十餘萬。多船牂牁江出其不意。此制越一

奇也。誠以漢之強巴蜀之饒。通夜郎道為置吏易甚。

上許之。乃拜蒙為郎中將。千人食重萬餘人。索隱曰食

重食糧并輜重車也從巴蜀徼關入遂見夜郎侯多同蒙厚賜。

喻以威德。約為置吏。使其子為令。夜郎旁小邑皆貪

漢繒帛。以為漢道險終不能有也。乃且聽蒙約。還報。

乃以為牂為郡。發巴蜀卒治道。自犍道指牂牁江。蜀

陳仁錫曰
與枸醬同

人司馬相如亦言西夷印筰可置郡使相如以郎中
將往喻皆如南夷爲置一都尉十餘縣屬蜀當是時
已蜀四郡通西南夷道戍轉相饒數歲道不通士罷
餓離濕死者甚衆西南夷又數反發兵興擊耗費無
功上患之使公孫弘往視問焉還對言其不便及弘
爲御史大夫是時方築朔方以據河逐胡弘因數言
西南夷害可且罷專力事匈奴上罷西夷獨置南夷
夜郎兩縣一都尉稍令犍爲自葆就令自及元狩元

毒音篤

吳弘基曰
慕中國患
匈奴便是
難題自然
而却中人
主之欲

年博望侯張騫使大夏來言居大夏時見蜀布印竹
杖使問所從來

帝昭曰印縣之竹璫曰此竹節高實中可作杖

曰從東南身

毒國可數千里獨蜀賈人市或聞印西可二千里有

身毒國騫因盛言大夏在漢西南慕中國患匈奴隔

其道誠通蜀身毒國道便近有利無害於是天子乃

令王然于相始昌呂越人等使間出西夷西指求身

毒國至滇滇王嘗羌乃留為求道西十餘輩歲餘皆

閉昆明莫能通身毒國滇王與漢使者言曰漢孰與

陳仁錫曰
人主好功
利一特莫
不達迎生
事可為至
戒也

我大及夜郎侯亦然以道不通故各自以為一州主
不知漢廣大使者還因盛言滇大國足事親附天子
注意焉及至南越反上使馳義侯因犍為發南夷兵
且蘭君恐遠行旁國虜其老弱乃與其眾反殺使者
及犍為太守漢乃發巴蜀罪人嘗擊南越者八校尉
擊破之會越已破漢八校尉不下即引兵還行誅頭
蘭頭蘭常隔滇道者也已平頭蘭頭蘭即且蘭小國名遂平南
夷為牂牁郡夜郎侯始倚南越南越已滅會還誅反

者夜郎遂入朝。上以爲夜郎王。南越破後及漢誅且
蘭、卬君，并殺筰侯。冉駹皆振恐，請臣置吏。乃以卬都
爲越巂郡，筰都爲沈犁郡，冉駹爲汶山郡，廣漢、西白
馬爲武都郡。上使王然于以越破及誅南夷兵威風
喻滇王入朝。滇王者，其衆數萬人，其旁東北有勞漫、
靡莫，皆同姓，相扶，未肯聽。勞漫、靡莫數侵犯使者吏
卒。元封二年，天子發巴蜀兵擊滅勞漫、靡莫，以兵臨
滇。王始首善，以故弗誅。滇王離難，西南夷舉國降。

請置吏入朝於是。以爲益州郡。賜滇王王印。復長其民。西南夷君長。以百數。獨夜郎滇受王印。滇小邑。最寵焉。

太史公曰。楚之先。豈有天祿哉。在周爲文王師。封楚。及周之衰。地稱五千里。秦滅諸侯。唯楚苗裔。尚有滇王。漢誅西南夷。國多滅矣。唯滇復爲寵王。然南夷之端。見枸醬。番禺。大夏。杖印竹。西夷後。愾剽分二方。卒爲七郡。

箋云荀悅云夜郎犍為屬國也。常昭云漢為縣屬
犍牂案後漢書云夜郎東接交趾其君長本出于
竹以竹為姓。○索隱曰靡莫夷邑名滇與同姓崔
浩云滇後為縣屬越雋。○正義曰括地志云隴右
成州武州皆白馬氏其豪族楊氏居成州仇池山
上。○索隱曰地理志益州滇池縣澤在西北其池
水源深廣而下流淺狹有似倒流故謂滇池。○王
義曰括地志云五尺道在郎州顏師古云其處險

阮。故道纔廣五尺。○徐廣曰：枸一作蒟。駟案漢書音義曰：枸木似穀樹，其葉如桑葉，用其葉作醬酢美。蜀人以為珍味，索隱小顏云：枸者緣木而生，非樹也。子形如赤椹，味辛似薑。○徐廣曰：四郡，漢中、巴、蜀、廣漢、蜀郡。○徐廣曰：身毒，一本作乾毒。駟案漢書音義曰：一名天竺。

茅。坤曰：篇首絕佳，以下並叙通西南諸夷本末，亦可觀覽。

水書

正書

六

鄧以讚曰頭緒頗多柳州遊黃溪記本此

陳仁錫曰西南夷諸國以滇夜郎為傳首蓋漢所

封國也

西南夷列傳終

陳仁錫曰
突然而起
八字已足
畫一傳之
道

大宛列傳 太史公

大宛之跡見自張騫。張騫漢中人。建元中爲郎。是時
天子問匈奴降者。皆言匈奴破月氏王。以其頭爲飲
器。月氏遁逃。而常怨仇匈奴。無與共擊之。漢方欲事
滅胡。聞此言。因欲通使。道必更匈奴中。乃募能使者。
騫以郎應募。使月氏。與堂邑氏故胡奴甘父俱出隴
西。經匈奴。匈奴得之。傳詣單于。單于留之。曰。月氏在
吾北。漢何以得往使。吾欲使越。漢肯聽我乎。留騫十

鍾惺曰才
生大宛題
面

餘歲與妻有子然騫持漢節不失居匈奴中益寬騫
因與其屬亡鄉月氏西走數十日○至大宛○大宛聞漢
之饒財欲通不得見騫喜問曰若欲何之騫曰爲漢
使月氏而爲匈奴所閉道今亡唯王使人導送我誠
得至反漢漢之賂遺王財物不可勝言大宛以爲然
遣騫爲發導驛抵康居康居傳致大月氏大月氏王
已爲胡所殺立其太子爲王○既臣大夏而居地肥饒
少寇志安樂又自以遠漢殊無報胡之心騫從月氏

茅坤曰騫
既從大宛

至大夏竟不能得月氏要領留歲餘還並南山欲從
羌中歸復爲匈奴所得留歲餘單于死左谷蠡王攻
其太子自立國內亂騫與胡妻及堂邑父俱亡歸漢
漢拜騫爲太中大夫堂邑父爲奉使君騫爲人彊力
寬大信人蠻夷愛之堂邑父故胡人善射窮急射禽
獸給食初騫行時百餘人去十三歲唯二人得還騫
身所至者大宛大月氏大夏康居而傳聞其旁大國
五六具爲天子言之曰大宛在匈奴西南在漢正西

歸所指畫
傍諸國而
下以次分
別如掌

陳仁錫曰
開邊生事
遂若大竄

去漢可萬里其俗土著耕田田稻麥有蒲陶酒多善
馬馬汗血其先天馬子也有城郭屋室其屬邑大小
七十餘城衆可數十萬其兵弓矛騎射其北則康居
西則大月氏西南則大夏東北則烏孫東則扞罕于
寘于寘之西則水皆西流注西海其東水東流注鹽
澤鹽澤潛行地下其南則河源出焉多玉石河注中
國而樓蘭姑師邑有城郭臨鹽澤鹽澤去長安可五
千里匈奴右方居鹽澤以東至隴西長城南接羌鬲

董份曰故
煮也嘗臣
服于匈奴

漢道焉

烏孫在大宛東北可二千里行國

徐廣曰行國
者不土著隨畜

與匈奴同俗控弦者數萬敢戰故服匈奴及盛取其
羈屬不肯往朝會焉

康居在大宛西北可二千里行國與月氏大同俗控
弦者八九萬人與大宛鄰國國小南羈事月氏東羈
事匈奴

奄蔡在康居西北可二千里行國與康居大同俗控

蓋份曰蓋乃北海者不能知大澤之名故臆斷云

弦者十餘萬臨大澤無崖蓋乃北海云
漢書解詁云
奄蔡即闐蘇

也其國多貂
畜牧水泉

大月氏在大宛西可二千里居媯水北其南則大
夏西則安息北則康居行國也隨畜移徙與匈奴同
俗控弦者可一二十萬故時彊輕匈奴及冒頓立攻
破月氏至匈奴老上單于殺月氏王以其頭為飲器
始月氏居敦煌祁連間及為匈奴所敗乃遠去過宛
西擊大夏而臣之遂都媯水北為王庭其餘小眾不

能去者保南山。羗號小月氏。

安息在大月氏。西可數千里。其俗土暑耕田。田稻麥。

蒲陶酒。城邑如大宛。其屬小大數百城。地方數千里。

最為大國。臨嬌水。有市民商賈。用車及船。行旁國或

數千里。以銀為錢。錢如其王面。王死輒更錢。效王面。

焉。畫革旁行。以為書記。

常昭云。外夷書皆旁行。今南方林邑之徒書皆旁行。不直

下。其西則條枝。北有奄蔡。黎軒。條枝在安息西數千

里。臨西海。暑濕耕田。田稻。有大鳥卵。如甕。人衆甚多。

董份曰。西
北少暑濕
故特著其
妙

陳仁錫曰
是中武帝
極好處

往々有小君長而安息役屬之以爲外國國善眩安
息長老傳聞條枝有弱水西王母而未嘗見

大夏在大宛西南二千餘里。犒水南其俗土著。有城

屋。與大宛同俗。無大王。長往々。城邑置小長。其兵弱。

畏戰。等賈市。及大月氏西徙。攻敗之。皆臣畜。大夏大

夏民多。可百餘萬。其都曰藍市。城有市販賈諸物。其

東南有身毒國。騫曰。臣在大夏時。見印竹杖。蜀布。問

曰。安得此。大夏國人曰。吾賈人往市之。身毒。徐廣曰。身或作

唐順之曰
以上如基
盤。以以如
着。慕大夏
鴻孫事皆

借書言敘

數又作訖即天竺胡也國謂浮西

身毒在大夏東南可數千里其俗

土著大與大夏同而卑濕暑熱云其人民乘象以戰

其國臨大水焉以騫度之大夏去漢萬二千里居漢

西南今身毒國又居大夏東南數千里有蜀物此其

去蜀不遠矣今使大夏從羗中陰羗人惡之少北則

為匈奴所得從蜀宜徑又無寇天子既聞大宛及大

夏安息之屬皆大國多奇物土著頗與中國同業而

兵弱貴漢財物其北有大月氏康居之屬兵彊可以

吳弘基曰
着天子既
聞四字罪
驚深矣後
應天子欣
然二句

鍾惺曰摹
寫雄主妄
想虛碩如
見

茅坤曰陡
然入此為
打斷白奴
若臂

賂遺設利朝也。且誠得而以義屬之。則廣地萬里。重
九譯。致殊俗。威德徧於四海。天子欣然。以騫言為然。
乃令騫因蜀犍為發間使。四道並出。出馳出冉。出徙。
出印。轉皆各行一二千里。其北方閉。氏。笮。南方閉。騫。
昆明。昆明之屬。無君長。善寇盜。輒殺畧。漢使終莫得
通。然聞其西可千餘里。有乘象國。名曰滇越。而蜀賈
姦出物者。或至焉。於是漢以求大夏道。始通滇國。初
漢欲通西南夷。費多。遂不通。罷之。及張騫言。可以通。

大夏乃復事西南夷。騫以校尉從大將軍擊匈奴。知水草處。軍得以不乏。乃封騫爲博望侯。是歲元朔六年也。其明年騫爲衛尉。與李將軍俱出右北平擊匈奴。匈奴圍李將軍。軍失亡多。而騫後期。當斬贖爲庶人。是歲漢遣驃騎破匈奴西域數萬人。至祁連山。其明年渾邪王率其民降漢。而金城河西西並南山至鹽澤。空無匈奴。匈奴時有候者。到而希矣。其後二年。漢擊走單于于幕北。是後天子數問騫大夏之屬。騫

既失候。因言曰。臣居匈奴中。聞烏孫王號昆莫。昆莫之父。匈奴西邊小國也。匈奴攻殺其父。而昆莫生棄於野。烏嚙肉蜚其上。狼性乳之。單于怪。以爲神。而收長之。及壯。使將兵。數有功。單于復以其父之民予昆莫。令長守於西城。昆莫收養其民。攻旁小邑。控弦數萬。習攻戰。單于死。昆莫乃率其衆遠徙。中立。不肯朝會匈奴。匈奴遣奇兵擊。不勝。以爲神。而遠之。因羈屬之。不大攻。今單于新困於漢。而故渾邪地空無人。蠻

吳弘基曰
勢宜聽此
審意中事
不可知
摠是失候
二字生出
熟中生事
議論

鍾惺曰亦
不失體

夷俗貪漢財物。今誠以此時而厚幣賂烏孫。招以益
東。居故渾邪之地。與漢結昆弟。其勢宜聽。聽則是斷
匈奴右臂也。既連烏孫。自其西大夏之屬。皆可招來
而為外臣。天子以為然。拜騫為中郎將。將三百人。馬
各二匹。牛羊以萬數。齎金幣帛直數千巨萬。多持節
副使。道可使。使遺之他旁國。騫既至烏孫。烏孫王昆
莫見漢使如單于禮。騫大慙。知蠻夷貪。乃曰。天子致
賜。王不拜。則還賜。昆莫起拜。賜其他如故。騫諭使指

曰烏孫能東居渾邪地則漢遣翁主爲昆莫夫人烏
孫國分王老而遠漢未知其大小素服屬匈奴日久
矣且又近之其大臣皆畏胡不欲移徙王不能專制
騫不得其要領昆莫有十餘子其中子曰大祿彊善
將衆將衆別居萬餘騎大祿兄爲太子太子有子曰
岑娶而太子蚤死臨死謂其父昆莫曰必以岑娶爲
太子無令他人代之昆莫哀而許之卒以岑娶爲太
子大祿怒其不得代太子也乃收其諸昆弟將其衆

吳弘基曰
看他明白
無數情緒
歸結一句

畔謀攻岑娶及昆莫昆莫老常恐大祿殺岑娶予岑
娶萬餘騎別居而昆莫有萬餘騎自備國衆分為三
而其大總取羈屬昆莫昆莫亦以此不敢專約於騫
騫因分遣副使使大宛康居大月氏大夏安息身毒
于寔杆朶及諸旁國烏孫發導譯送騫還騫與烏孫
遣使數十人馬數十匹報謝因令窺漢知其廣大騫
還到拜為大行列於九卿歲餘卒烏孫使既見漢人
衆富厚歸報其國其國乃益重漢其後歲餘騫所遣

陳仁錫曰。
禍魁

王鑒曰。此
段錯綜。

史○記○卷○九○十○
大○宛○列○傳○
史○通○大○夏○之○屬○者○皆○頗○與○其○人○俱○來○於○是○西○北○國○始○
通○於○漢○矣○然○張○騫○鑿○空○蘇○州○曰○開○通○也○其○後○使○往○者○
皆○稱○博○望○侯○以○為○質○於○外○國○外○國○繇○此○信○之○自○博○望○
侯○騫○死○後○匈○奴○聞○漢○通○烏○孫○怒○欲○擊○之○及○漢○使○烏○孫○
若○出○其○南○抵○大○宛○大○月○氏○相○屬○烏○孫○乃○恐○使○使○獻○馬○
願○得○尚○漢○女○翁○主○為○昆○弟○天○子○問○群○臣○議○計○皆○曰○必○
先○納○聘○然○後○乃○遣○女○初○天○子○發○書○易○云○正○義○云○發○書○
卜○神○馬○當○從○西○北○來○得○烏○孫○馬○好○名○曰○天○馬○及○得○大○

陳仁錫曰。
接上復事。
西南夷。

宛。汗。血。馬。益。壯。更。名。烏。孫。馬。曰。西。極。名。大。宛。馬。曰。天。
馬。云。而。漢。始。築。令。居。以。西。初。置。酒。泉。郡。以。通。西。北。國。
因。益。發。使。抵。安。息。奄。蔡。黎。軒。條。枝。身。毒。國。而。天。子。好。
宛。馬。使。者。相。望。於。道。諸。使。外。國。一。輩。大。者。數。百。少。者。
百。餘。人。人。所。齎。操。大。放。博。望。侯。時。其。後。益。習。而。衰。少。
焉。漢。率。一。歲。中。使。多。者。十。餘。少。者。五。六。輩。遠。者。八。九。
歲。近。者。數。歲。而。反。是。時。漢。既。滅。越。而。蜀。西。南。夷。皆。震。
請。吏。八。朝。於。是。置。益。州。越。雋。牂。牁。沈。黎。汶。山。郡。欲。地。

茅坤曰以
南北道作
對紀甚奇

接以前通大夏。乃遣使柏始昌、呂越人等，歲十餘輩
出此初郡，抵大夏，皆復閉昆明，爲所殺奪幣財，終莫
能通至大夏焉。於是漢發三輔罪人，因巴蜀士數萬
人，遣兩將軍郭昌、衛廣等，往擊昆明之遮漢使者，斬
首虜數萬人而去。其後遣使，昆明復爲寇，竟莫能得
通。而北道酒泉抵大夏，使者既多，而外國益厭漢幣，
不貴其物。自博望侯開外國道，以尊貴，其後從吏卒
皆爭上書言外國奇怪利害，求使天子爲其絕遠，非

陳仁錫曰
與燕齊之
士言神仙
者相似

人○所○樂○往○聽○其○言○予○節○募○吏○民○毋○問○所○從○來○為○具○備
人○衆○遣○之○以○廣○其○道○來○還○不○能○毋○侵○盜○幣○物○及○使○失
指○天○子○為○其○習○之○輒○覆○案○致○重○罪○以○激○怒○令○贖○復○求
使○使○端○無○窮○而○輕○犯○法○其○吏○卒○亦○輒○復○盛○推○外○國○所
有○言○大○者○予○節○言○小○者○為○副○故○妄○言○無○行○之○徒○皆○爭
效○之○其○使○皆○貧○人○子○私○縣○官○齎○物○欲○賤○市○以○私○其○利
外○國○外○國○亦○厭○漢○使○人○有○言○輕○重○度○漢○兵○遠○不○能
至○而○禁○其○食○物○以○苦○漢○使○漢○使○之○絕○積○怨○至○相○攻○擊○

吳弘基曰
又點入
奴妙々

而樓蘭姑師小國耳

姑師即車師

當空道攻劫漢使王恢

等尤甚而匈奴奇兵時々

遮擊使西國者使者爭徧

言外國災害皆有城邑兵弱易擊於是天子以故遣

從驃侯破奴將屬國騎及郡兵數萬至白河水欲以

擊胡胡皆去其明年擊姑師破奴與輕騎七百餘先

至虜樓蘭王遂破姑師因舉兵威以困烏孫大宛之

屬還封破奴為浞野侯王恢數使為樓蘭所苦言天

子天子發兵令恢佐破奴擊破之封恢為浩侯於是

茅坤曰此
烏孫一節
以續上文
請婚血脉

至慎中曰
節應前
與其人俱

酒泉列亭鄣至玉門矣

玉門關在龍勒界

烏孫以千匹馬聘

漢女漢遣宗室女江都翁主往妻烏孫烏孫王昆莫
以為右夫人匈奴亦遣女妻昆莫昆莫以為左夫人
昆莫曰我老乃令其孫岑娶妻翁主烏孫多馬其富
人至有四五千匹馬初漢使至安息安息王令將二
萬騎迎於東界東界去王都數千里行北至過數十
城人民相屬甚多漢使還而後發使隨漢使來觀漢
廣大以大鳥卵及黎軒善眩人獻于漢及宛西小國

來。

陳仁錫曰
帝極英明
作此呆事

吳弘基曰
後隋煬帝
之幸焉
虜所蓋

驩潛大益宛東姑師扞采蘇雍之屬皆隨漢使獻見
天子天子大悅而漢使窮河源河源出于真其山多
玉石采來天子紫古圖書名河所出山曰崑崙云是
時上方數巡狩海上乃悉從外國客大都多人則過
之散財帛以賞賜厚具以統給之以覽示漢富厚焉
於是大轂抵出奇戲諸怪物多聚觀者行賞賜酒池
肉林令外國客徧觀各倉庫府藏之積見漢之廣大
傾駭之及加其眩者之工而轂抵奇戲歲增變甚盛

鍾惺曰漢
要領反為
外夷所得
矣

益興自此始。西北外國使更來更去。宛以西皆自以
遠尚驕恣晏然。未可詘以禮。羈縻而使也。自烏孫以
西至安息。以近匈奴。匈奴困月氏也。匈奴使持單于
一信。則國國傳送食。不敢留苦。及至漢使。非出幣帛。
不得食。不市畜。不得騎用。所以然者。遠漢而漢多財。
物故必市。乃得所欲。然以畏匈奴於漢使焉。宛左右
以蒲陶為酒。富人藏酒至萬餘石。以者數十歲。不敗。
俗嗜酒。馬嗜苜蓿。漢使取其實來。於是天子始種苜蓿。

鄧以讚曰。
復奉諸國。
俗補前寡。
言未備。

茅坤曰。摹
寫漢代宛
處更精神。

史拾載補
大宛列傳
蒲陶肥饒地。及天馬多。外國使來。衆則離宮別觀。
旁盡種蒲陶。首蓄極望。自大宛以西。至安息國。雖頗
異言。然大同俗。相知言。其人皆深眼。多鬚髯。善市賈。
爭分銖。俗貴女子。女子所言。而丈夫乃決。正其地皆
無絲漆。不知鑄錢器。及漢使亡卒降。教鑄作他兵器。
得漢黃金。輒以爲器。不用爲幣。而漢使者往。旣多。
其少從率多進。熟於天子。言曰。宛有善馬。在貳師城。
匿不肯與漢使。天子旣好宛馬。聞之甘心。使壯士車。

令等持千金及金馬以請宛王貳師城善馬宛國饒
漢物相與謀曰漢去我遠而鹽水中數敗出其北有
胡寇出其南乏水草又且往々而絕邑乏食者多漢
使數百人爲輩來而常乏食死者過半是安能致大
軍乎無柰我何且貳師馬宛寶馬也遂不肯予漢使
漢使怒妄言椎金馬而去宛貴人怒曰漢使至輕我
遣漢使去令其東邊郁成遮攻殺漢使取其財物於
是天子大怒諸嘗使宛姚定漢等言宛兵弱誠以漢

鍾惺曰。八
得宛然而
無迹。

哆尺著反

兵不過三千人。強弩射之。即盡虜破宛矣。天子已嘗
使浞野侯攻樓蘭。以七百騎先至。虜其王。以定漢等
言爲然。而欲侯寵姬李氏。拜李廣利爲貳師將軍。發
屬國六千騎。及郡國惡少年數萬人。以往伐宛。期至
貳師城。取善馬。故號貳師將軍。趙始成爲軍。正故浩
侯王恢。使導軍。而李哆爲校尉。制軍事。是歲太初元
年也。而關東蝗大起。蜚西至敦煌。貳師將軍軍既西
過鹽水。當道小國恐。各堅城守。不肯給食。攻之不能

下者得食不下者數日則去比至郁成士至者不
過數千皆饑罷攻郁成郁成大破之所殺傷甚衆貳
師將軍與哆始成等計至郁成尚不能舉况至其王
都乎引兵而還往來二歲還至敦煌士不過什一二
使使上書言道遠多乏食且士卒不患戰患饑人少
不足以拔宛願且罷兵益發而復往天子聞之大怒
而使使遮王門曰軍有敢入者輒斬之貳師恐因留
敦煌其夏漢亡浞野之兵二萬餘於匈奴公卿及識

者皆願罷擊宛軍專力攻胡。天子已業誅宛。宛小國而不能下。則大夏之屬輕漢。而宛善馬絕不來。烏孫命頭易苦漢使矣。爲外國笑。乃案言伐宛尤不便者。鄧光等。赦囚徒材官。益發惡少年及邊騎。歲餘而出。敦煌者六萬人。負私從者不與。牛十萬馬三萬餘匹。驢騾橐駝以萬數。多齎糧。兵弩甚設。天下騷動。傳相奉伐。宛凡五十餘校尉。宛王城中無井。皆汲城外流水。於是乃遣水工徙其城下水。空以空其城。益發戍。

吳弘基曰
前曰六萬
十八萬負
私從者不
與到僅三
萬見窮兵
之慘矣

甲卒十八萬酒泉張掖北置居延休屠以衛酒泉而
發天下七科適及載糒給貳師轉車人徒相連屬至
敦煌而拜習馬者二人為執樞校尉備破宛擇取其
善馬云於是貳師後復行兵多而所至小國莫不迎
出食給軍至侖頭侖頭不下攻數日屠之自此而西
平行至宛城漢兵到者三萬人宛兵迎擊漢兵漢兵
射敗之宛走入葆乘其城貳師兵欲行攻郁成恐留
行而令宛益生詐乃先至宛決其水源移之則宛固

鄧以讚曰
語精簡有
致

已憂困圍其城攻之四十餘日其外城壞虜宛貴人
勇將煎靡宛大恐走入中城宛貴人相與謀曰漢所
爲攻宛以王母寡匿善馬而殺漢使今殺王母寡而
出善馬漢兵宜解即不解乃力戰而死未晚也宛貴
人皆以爲然共殺其王母寡持其頭遣貴人使貳師
約曰漢毋攻我我盡出善馬恣所取而給漢軍食即
不聽我盡殺善馬而康居之款且至至我居內康居
居外與漢軍戰漢軍熟計之何從是時康居候視漢

陳仁錫曰。
海內騷動。
僅為此耶。

兵漢兵尚盛。不敢進。貳師與趙始成李哆等計。聞宛
城中新得秦人。知穿井。而其內食尚多。所為來。誅首
惡者。毋寡。毋寡頭已至。如此而不許解兵。則堅守。而
康居侯漢罷而來救宛。破漢軍必矣。軍吏皆以為然。
計宛之約。宛乃出其善馬。令漢自擇之。而多出食。食
給漢軍。漢軍取其善馬數十匹。中馬以下牝牡三千
餘匹。而立宛貴人之故。待遇漢使善者名昧蔡。以為
宛王。與盟而罷兵。終不得入中城。乃罷而引歸。初貳

師起敦煌西，以爲人多，道上國不能食，乃分爲數軍，從南北道。校尉王申生故鴻臚壺充國等千餘人，別到郁成。郁成城守不肯給食其軍，王申生去大軍二百里，偵而輕之，責郁成。郁成食不肯出，窺知申生軍日少，晨用三千人攻殺申生等，軍破，數人脫亡走貳師。貳師令搜粟都尉上官桀往攻破郁成。郁成王亡走康居。桀追至康居，康居聞漢已破宛，乃出郁成。王予桀桀令四騎士縛守諸大將軍，四人相謂曰：「郁

吳弘基曰
二十三萬
人何處矣
讀之心酸

成王漢國所毒。今生將去。卒失大事。欲殺莫敢先擊。
上邽騎士趙弟最少。拔劍擊之。斬郁成王。齎頭弟桀
等。遂及大將軍。初貳師後行。天子使使告烏孫大發
兵。并力擊宛。烏孫發二千騎往。持兩端。不肯前。貳師
將軍之東。諸所過小國。聞宛破。皆使其子弟從軍。入
獻見天子。因以為質焉。貳師之伐宛也。而軍正趙始
成力戰功最多。及上官桀敢深入。李哆為謀計。軍入
玉門者萬餘人。軍馬千餘匹。貳師後行。軍非乏食戰

陳仁錫曰：帝以為功首天下，以又為罪魁。又曰：使大宛與斷匈奴同干相誑極矣。

死不能多而將吏貪多不愛士卒，侵牟之，以此物故衆。天子為萬里而伐宛，不錄過，封廣利為海西侯，又封身斬郁成王者騎士趙弟為新時侯，軍正趙始成為光祿大夫，上官桀為少府，李哆為上黨太守，軍官吏為上卿者三人，諸侯相郡守二千石者百餘人，千石以下千餘人，奮行者官過其望，以適過行者皆絀其勞，士卒賜直四萬金，伐宛再反，凡四歲而得罷焉。漢已伐宛，立昧蔡為宛王而去，歲餘宛貴人以為昧

茅坤曰。暗
寫漢不能
以力定大
宛處。

蔡善諛。使我國遇屠。乃相與殺昧蔡。立母寡昆弟曰
緡。封為宛王。而遣其子入質於漢。漢因使使賂賜以
鎮撫之。而漢發使十餘輩至宛。西諸外國求奇物。因
風覽以伐宛之威德。而燉煌置酒泉都尉。西至鹽水。
往往有亭。而命頭有田卒數百人。因置使者護田積
粟。以給使外國者。

太史公曰。禹本紀言河出崑崙。崑崙其高二千五百
餘里。日月所相避隱。為光明也。其上有醴泉瑤池。令

董份曰。觀此云惡親。所謂崑崙。則前到案。古圖書名。河所出曰。崑崙。蓋記之也。但其詞微不易見耳。

自張騫使大夏之後也。窮河源惡親本紀所謂崑崙者乎。故言九州山川尚書近之矣。至禹本紀山海經所有怪物。余不敢言之也。

箋云。帝昭曰。飲器。枹榼也。晉灼云。飲器。虎子之屬。或曰。飲酒器。漢書匈奴傳云。元帝遣車騎都尉韓昌光祿大夫張猛與匈奴盟。以老上單于所破月氏王頭為飲器者。共飲立盟。○案謂堂邑縣人家胡奴名甘父也。下云堂邑父者。蓋後史家省唯稱。

堂邑父而畧甘字。或甘其姓號也。○徐廣曰：太子
為王。一云夫人為王。夷狄亦或女主。○要領小顏
以為要衣。要領衣領。凡持衣者必執要與領。言騫
不能得月氏意趣也。○說文云：羗，西方牧羊人也。
南方蠻閩從虫。北方狄從犬。東貊從豸。西方羗王
羊。○索隱曰：多善馬。案外國傳云：外國稱天下有
三衆：中國人衆，大秦寶衆，月氏馬衆。○漢書音義
曰：大宛國有高山，其上有馬不可得，因取五色母

馬置其下與交生駒汗血目號曰天馬子。○按漢書西南夷傳云河有两源一出葱嶺山一出于寘山郭璞云河出崑崙潛行地下至葱嶺山于寘國復分流歧出合而東注沕澤已而復行積石為中國河沕澤即鹽澤也一名蒲昌海。○萬震南州志云大月氏在天竺北可七千里地高燥而遠國王稱天子國中騎乘常數十萬匹城郭宮殿與大秦國同人民赤白色便習弓馬土地所出及奇瑋珍

物被服鮮好。天竺不及也。○索隱曰：錢如王面。漢書云：文獨為王面。幕為夫人面。張晏云：錢之文面作人乘馬。錢之幕作人面形。常昭云：幕，錢背也。○正義曰：黎軒後漢書云：大秦一名犁鞬，在西海之西。東西南北各數千里，有城四百餘所，土地金銀奇寶，有夜光璧、明月珠、駭雞犀、火浣布、珊瑚、琥珀、琉璃、琅玕、朱丹、青碧、珍怪之物。外國傳云：其國城郭皆青水精為之，及五色水精為璧。人物多巧，能化

銀為金。國土市買皆金銀錢。○索隱曰：條枝，漢書作犂牛。續漢書一名大秦。三國並臨四海。後漢書云：西海環其西，惟西北通陸道。然漢使自烏弋以還，莫有至條枝者。○正義曰：漢書云：條枝出獅子、犀牛、孔雀、大雀，其郊如甕。和帝永元十三年，安息王滿屈獻獅子、大鳥。世謂之安息雀。廣志云：鳥鷄、鷹、身蹄駱，色蒼，舉頭八九尺，張翅丈餘，食大麥。郊大如甕。○索隱曰：眩人，變化惑人也。魏畧云：多奇。

幻口中吹火自縛自解小顏云今吞刀吐火殖瓜
種樹屠人截馬之術皆是○魏畧云弱水在大秦
西玄中記云天下之弱者有崑崙之弱水鴻毛不
能載也山海經云玉山西王母所居穆天子傳云
天子觴西王母瑤池之上輿地圖云崑崙弱水非
乘龍不至有三足鳥神鳥為王母取食也後漢書
云桓帝時大秦國王安敦遣使自日南徼外來獻
或云其國西有弱水流近西王母處幾於日所

入也。然先儒多引大荒西經云弱水云有二源俱
出女國北阿耨達山南流會于女國東去國一里
深丈餘濶六十步。非毛舟不可濟。南流入海。阿耨
達山即崑崙山也。與大荒西經合矣。○正義曰身
毒在月氏東南數千里。俗與月氏同。修浮圖道。不
殺伐。遂以成俗。土有象犀璆瑁金銀鐵錫鉛。西與
大秦通。有大秦珍物。明帝夢金人長丈。頂有光明。
以問羣臣。或曰西方有神。名曰佛。其形長丈六尺。

而黃金色帝於是遣使天竺問佛道法遂至中國
畫形像焉萬震南州志云地方三萬里佛道所出
其國王居城郭殿皆雕文刻鏤街曲市里各有行
列左右諸大國凡十六皆共奉之以天地之中也
昆郎等州皆滇國也其西南滇越越雋則通號越
細分而有雋滇等名○蘇林曰鑿空開通也雋開
通西域道○漢書音義曰少從從行之微者也進
熟美語如成熟者也按進熟或是進見而熟於天

子○服虔曰、鹽水水名、道從水中行、師古曰、砂磧
之中、不生草木、水又鹹苦、即今燉煌西北惡磧也、
○張晏云、吏有罪一亡命、二贅婿、三賈人、四故有
市籍、五父母有市籍、六太父母有市籍、凡七科、
武帝天漢四年、發天下七科、謫出朔方、○師古曰、
絀其勞、言以謫過行者、免其所犯、不叙功勞、
唐順之曰、匈奴傳與大宛傳體異、匈奴一國、而大
宛諸國、諸國則錯綜也、

茅坤曰大宛以西始末如畫而漢武窮兵實錄
猶可覽涕大宛事以張騫身沒後凡十餘年而始
舉遷特惡騫始倡故通篇精神歸騫一人而諸國
中惟通大宛一節得善馬幾困亡中國以此先後
情事諸國中以大宛為結局

鄧以讚曰君好大喜功臣生事構隙是西域摠傳
只緣伐宛通諸國故以宛名篇

鍾惺曰大宛之跡見自張騫二語本末要領然

張騫本以應募使大月氏。道更匈奴。為其所留。亡
大宛。大宛道之入大月氏。又不得月氏要領。乃歸。
言人宛之利。以自解其使月氏之罪耳。是大宛始
不過為騫所假道。原非出使月氏本題。而騫竟以
此作應募結局。將錯就錯。免罪之路。久之用。以要
功臣。以此愚其君。君亦以之自愚。幾并通月氏以
攻匈奴之指。而在有意無意之間。功罪得失。見於
言外。事變既奇。文情亦妙。非作文者心眼之透。又

在作事者之先。不能如此下筆。

又曰。張憲膽智。為千古遠使第一人。驅之戰。枉其材矣。然因戰失侯。乃有通烏孫一段枝節。絕處逢生。此輩功名之路。豈可以一端盡哉。

大宛列傳 終

史記卷之六

大宛列傳

二四





